

第五八〇册

理學彙編

經籍典

小學部

經學部

(卷)

三〇七—三三〇

三一—三三七

古今圖書集成

中華書局影印

欽定古今圖書集成理學彙編經籍典

第三百七卷目錄

小學部彙考一

周禮一則 宣王一則

秦始皇帝一則

漢高帝一則 武帝一則 宣帝本始一則 成帝本始一則 平帝元始一則

魏文帝黃初一則

宋孝宗淳熙一則

元世祖至元一則

明英宗正統一則

小學部彙考二

漢史游急就篇唐顏師古敬 宋羅願序 王

晉王羲之筆勢論略自序

衛恆四體書勢自序

梁庾肩吾書品羅浮山樵跋

唐張彥遠法書要錄自序

韋續五十六種書法自序

韋續九品書自序

宋朱熹小學集註題辭

王應麟小學紺珠自序

黃伯思東觀餘論自序 明毛晉跋

明會志唯小學訓蒙述語自序

倪鑑六書類釋自序

小學部彙考三

漢書藝文志小學

隋書經籍志小學

經籍典第三百七卷

小學部彙考一

周

周王立小學建保氏教六書

按禮記王制小學在公宮南之左大學在郊

注此小學大學殷制周則大學在國小學在西郊

按周禮地官保氏養國子以道乃教之六藝一曰五

禮二曰六樂三曰五射四曰五馭五曰六書六曰九

數

生柯氏曰師氏掌以嫗詔王以三德教國子保氏

諫王惡而養國子以道皆居虎門之左其制何如

王制曰小學在公宮南之左大學在郊尚書大傳

曰王子八歲而出就外舍束髮而入大學公卿之

世子大夫元士之適子十有三歲始入小學十八

入大學蓋虎門者天子路寢之門師氏德行大學

之教也由是觀之則公宮之左必有大小二學可

知矣王子八歲入小學十八入大學者蓋國子與

也國子必十三入小學十八入大學者蓋國子與

王子共學必稍長乃知貴賤之體上下之分且使

王子有輔仁之益故其期不同如此然則在郊之

大學王子不入乎曰周制大學在郊者省朝謁之

勞專學業也按大學始於伏羲凡小學原流俱詳

目錄

宣王 年史稿作籀書教學童

按史記周本紀不載 按漢書藝文志小學類史稿

篇者周時史官教學童書也

按北魏書江式傳宣王太史史籀著大篆十五篇與

古文或同或異時人即謂之籀書

秦

始皇帝 年李斯等作籀等書

按史記秦本紀不載 按漢書藝文志蒼頡七章者

秦丞相李斯所作也爰歷六章者專府令趙高所作

也博學七章者太史令胡毋敬所作也

漢

高帝 年太史試學童能諷書九千字以上者乃得

為史并諸小學書為著韻篇五十五章

按史記漢書高帝本紀俱不載 按漢書藝文志漢

興蕭何草律亦著其法曰太史試學童能諷書九千

字以上乃得為史又以六體試之課最者以為尚書

御史史書令史吏民上書字或不正輒舉劾六體者

古文奇字篆書隸書繆篆蟲書所以通知古今文字

摹印章書楷信也閭里書師合蒼頡爰歷博學三篇

斷六十字以為一章凡五十五章并為蒼頡篇

武帝 年司馬相如作凡將篇

按史記漢書武帝本紀俱不載 按漢書藝文志武

帝時司馬相如作凡將篇無復字

宣帝本始 年徵齊人能正讀者讀著

按漢書宣帝本紀不載 按藝文志蒼頡多古字俗

師失其讀宣帝時徵齊人能正讀者張敞從受之

元帝初元 年史游作急就篇

按漢書元帝本紀不載 按藝文志元帝時黃門令

史游作急就篇

成帝建始 年李長作元尚篇

按漢書成帝本紀不載 按藝文志成帝時將作大

臣李長作元尚篇皆蒼頡中正字也

平帝元始五年徵天下通小學者遣詣京師揚雄作訓纂篇

按漢書平帝本紀元始五年春正月徵天下通知逸經古記天文歷算鍾律小學史篇方術本草及以五經論語孝經爾雅教授者在所爲駕一封軺傳遣詣京師至者數千人 按藝文志元始中徵天下通小學者以百數各令記字於庭中揚雄取其有用者以作訓纂篇順續蒼頡又易蒼頡中重複之字凡八十九章

魏

文帝黃初 年有三蒼等書

按三國志魏文帝本紀不載 按隋書經籍志魏世有史籍篇蒼頡篇三蒼碑蒼廣蒼等諸篇章訓詁說文字林音義聲韻體勢等諸書

宋

孝宗淳熙十四年朱熹作小學集註

按宋史孝宗本紀不載 按朱熹小學集註序古者小學教人以灑掃應對進退之節愛親敬長隆師親友之道皆所以爲修身齊家治國平天下之本而必

使之講而習之於幼穉之時欲其習與智長化與心成而無扞格不勝之患也今其全書雖不可見而雜出於傳記者亦多讀者往往直以古今異宜而莫之行殊不知其無古今之異者固未始不可行也今願蒐輯以爲此書授之童蒙資其講習庶幾有補於風化之萬一云爾淳熙丁未朱熹晦菴題 按小學書自字學篇至朱子小學始以義理爲主其時雖未與之於朝實爲百世不刊之典故據其自敘年月

附於編年之內

元

世祖至元二十四年定國子學制凡讀書必先小學按元史世祖本紀不載 按選舉學校志至元二十四年立國子學而定其制凡讀書必先孝經小學

明

英宗正統 年吳訥上所輯小學集解

按明外史吳訥傳英宗初御經筵錄所輯小學集解上之

小學部彙考二

漢史游急就篇四卷

按唐顏師古敘急就篇者其源出於小學家昔在周宣粵有史籀演暢古文初著大篆兼兼天下罷黜異書丞相李斯又撰蒼頡車府令趙高繼造爰歷太史

令胡毋敬作博學篇皆所以啓導青衿垂法錦帶也逮至炎漢司馬相如作凡將篇俾枚書寫多所載述務適時要史游景摹擬而廣之元成之間列於祕府雖復文非清麗義闕經綸至於包括品類錯綜古今詳其意趣實有可觀者焉然而時代遷革亟經喪亂傳寫湮訛避諱改易漸就蕪舛莫能釐正少者闕而不備多者妄有增益人用已私流宕忘返至如蓬門野賤鄉鄰幼學遞相承襲競習之既無良師祇增僻謬若夫縉紳秀彥膏粱子弟謂之鄙俚恥於窺涉遂使傳聞之說廢而弗明備物之方於茲浸滯師古家傳者雅廣綜流略尤精訓故待問質疑事非稽考不妄談說必則古昔信而有徵先君常欲注釋急就

以貽後學雅志未申吳天不弔奉遵遺範永懷罔極

舊得皇象鍾繇衛夫人王羲之等所書篇本備加詳覈足以審定凡三十二章究其眞實又見崔浩及劉芳所注後魏太宗元年敕撰法華經注人心不同未云善也遂因暇日爲之解訓皆據經籍遺文先達舊旨非率愚管斐然妄作字有難識隨而音之別理兼通亦即並載可以祛發未寤矯正前失振幽鬱之學據述之意庶將來君子裁其衷焉

按宋羅願序右急就一篇漢黃門令史游所作唐祕書監顏師古爲之解訓此書舊分三十二章前代能書者多以草書寫之今世有一本相傳是吳皇象寫比顏解本無焦減以下六十三字又頗有訛脫顏本不分章象所寫三十一章而已國朝至道中太宗皇帝嘗親書此篇又於顏本外多齊國給獻以下百二十八字凡爲章三十有四此兩章蓋起於後漢按舊篇末說長安中涇渭家術故此章亦言洛陽人物之盛以相當而鄠縣以世祖即位之地升其名爲高邑與先漢所改眞定常山並列此爲後漢人所續不疑近時豫章黃太史手校本出於太和縣人家亦有此兩章黃於篇中時小小箋釋而顏解本亦自有詳略不同會戶部郎總六道賦天水趙公汝欽欲是正傳廣之乃錄至道御書三十四章登於卷首且用今禮部侍郎眉山李公燾所藏顏解本校鄂州通守臨江劉子澄清之家本寫之次於御書正文之後益考驗同異附以黃太史所箋升注爲大字以便觀者可傳後古者學童六歲至十歲教之數與方名及朔望六甲書計之事蓋自宋以窮本由藝以達道蓋觴乎小學之源而涵泳乎大學之海終其身不厭至秦不然

棄其道本而志其藝末丞相李斯等雖頗作蒼頡爰歷博學等篇然天下方專學法令以吏爲師詩書六藝之言棄不習學者進無所依退無可觀自童幼鄙之以爲足記姓名而已又其篇雖名祖蒼頡而實異史籀時益多事而徒隸之字方起漢興稍開書禁兼崇字學吏民上書頗効其不正者然古來用字約少版策所書多者幾百名以上今漢代試爲史者一童所記至九千字烏觀古所謂正截游當孝元時去斯等已遠獨能取其篇中正字類而韻之以爲此書使操觚小童不隨俗迷誤是時元帝善史書而游爲此篇皆稍稍近古傳稱游勤心納忠有所補益豈此類邪自東漢杜度張芝善篆法始用以寫此章號章草說者因謂草書起於游蓋不察游作此書之意今篇中所據蒼頡正字其體雖不存而其讀具在因可以見漢世官府市里之名物又得顏氏解訓而益明可用虞覽然顏以慈姓爲祖於宣慈惠和之才子審姓爲出於審曲面勢者名忠敬與愛君而必以爲慕趙盾嘉孝解距虛卽蚩蚩以樞車膠爲膠人之目謂老復丁爲獨其子孫之役亦不皆是願作者以錄古文而解者以著漢事雖非詩書論世之學要主於好古存舊且其語亦微有勸不若後世俗師俚童相教以鬻訟之書故因定著之以爲前世小書其偶存者猶如此學者亦因有啓焉

按宋王應麟跋漢藝文志小學十家蒼頡篇見考工記注者唯鮑苑柯樞四字凡見文選注藝文類聚者唯黃潤纖美宜制禪鐘磐竿笙筑坎侯二句訓纂見史記正義者唯戶扈鄠三字其勵存者急就篇而

止耳隋唐志始謂急就章崔浩寫以百數劉蘭入小學書之月餘卽遍李繪六歲亦遍此章是以其學至唐猶傳顏師古祖之推書爲之注淵源有自來矣蓋君子恥一物之不知倫類不通不足謂善學嘗觀衆仲對氏族師服申繻論名子籍談忘司典之後景王以爲識衛侯以辟彊爲名周人不肯受彊之以姓著於世本字而不名貴於春秋故始之以姓氏名字學詩多識鳥獸草木之名論語備錄衣服飲食之制陶弘景讀書萬卷尤明醫術本草韓文公謂禮樂名數方藥之書未有不通此而爲大賢致知在格物觀物以觀我生故次之以服器百物周書言學古入官子產云學而後入政董仲舒以春秋斷獄傳不疑以經術決事若授之以政不達宋景子之孝經蘇威之五教人到於今差之故終之以文學法理器無非道學無非事其義不可須臾舍也鴻生鉅儒不敢以小書忽焉輯州名撫奇字悉放其體諸經義疏引之者五周禮考工記疏引分別部居不雜而諸官職引司農少府國之謂左傳正義引無異焉故項明昇後漢書注引之者一陶造數法律存韻書亦援以言姓氏班孟堅之用祿傳潘安仁之用乘風王禹玉之用奇觚宋景文之用韞轡朱文公之用老復丁至於不借鍾條鳧鷖無等雙之語臨川山谷詩皆采摭博觀而約取此難與耳學者言也古者保氏教六書外史達書名漢猶有課試舉劾之法故馬尾之書必謹自篆而隸自隸而篆鍾王之後以意行書先漢遺文古事浸以曉昧急就雖存而曹壽劉芳豆盧氏顏之推注解輒而不傳昔以是爲童蒙之學今有皓首未覩者俗書溢於簡牘訛音流於諷誦藥浮踵隨視

名物度數若弁髦而大學之基不立適因顏注補其遺闕擇衆本之善訂三寫之差以經史諸子探其原以爾雅方言本草辯其物以詩傳楚辭叶聲韻以說文廣韻正音詰若閭閻之相混得於釋文摘城之所出取於莊子稽極之誤因說文通釋而知利親勝客之類因史記漢表而見簣當作簡輅當作操壘當作壘緣事求是不敢以臆說參焉疑者闕之以俟後之君子李斯作蒼頡篇後人附益末章乃有漢兼天下此篇齊國山陽兩章亦然略解其義綴於下方夫物有本末理無大小循序致精學之始事也雖然老學而爲童習其能免詭託物愛奇之失乎

晉王羲之筆勢論略一篇

按羲之自序告汝子敬吾觀汝書性過人仍未閑規矩父不親教自古有之今述筆勢論十篇開汝之性凡諸字勢總立十章章有指歸定其模楷審其舛謬撮其要實錄其便宜或變體處多罕測其本轉筆者衆莫識其源懸鉞垂露之法固難體制揚波騰氣之勢足可迷人故謂變其所由堪愈膏肓之疾今書樂毅論一本筆勢論一篇胎子藏之勿播於外窮研篆籀功省而易成纂習精專形彰而勢顯存意學者兩月可見其成天性靈者百日卽知其本此筆勢可爲家珍學者視之世有名譽筆削久矣始克有成研精覃思審諸規矩存其要略以爲斯論

衛恆四體書勢一卷

按恆自序昔者黃帝創製造物有沮誦蒼頡者始作書契以代結繩蓋觀鳥跡以興思也因而遂書則謂之字有大義焉一曰指事上下是也二曰象形日月

是也三曰形聲江河是也四曰會意武信是也五曰轉注考者是也六曰假借令長是也夫指事者在上爲上在下爲下象形者日滿月虧象其形也形聲者以類爲形以配爲聲也會意者止戈爲武人言爲信也轉注者以老壽考也假借者數言同字其聲雖異文意一也自黃帝至三代其文不改及秦用篆書燒焚先典而古文絕矣漢武時魯恭王壞孔子宅得古文尚書春秋論語孝經時人已不復知古文謂之蝌蚪書漢世祕藏希得見魏初傳古文者出於邯鄲淳恆祖敬侯爲寫尙書後以示淳而淳不別至正始中立三字石經轉失淳法因蝌蚪之名遂效其形太康元年汲縣人盜發魏襄王塚得策書十餘萬言按敬侯所書猶有彷彿古書者數種其一卷論楚事者最爲上妙恆竊悅之故竭愚思以諸其美愧不足以屬前賢之作冀以存古人之象焉古無別名謂之字勢云

梁庾肩吾書品一卷

按羅浮山樵跋右書品庾肩吾所著載漢魏以來能書者肩吾生梁代相去不遠近者同時宜其評論精核如此後唐張懷瓘宋潛溪氏皆有論著不過稍加損益附以近世者耳夫古文窮於眞草書法盡於六朝取法乎上者斯亦可以考見矣

唐張彥遠法書要錄十卷

按彥遠自序彥遠家傳法書名書自高祖河東公收藏珍祕河東公書述俊異尤能大書本傳云不因師法而天姿雄勁定州北岳碑爲好事所傳曾祖魏國公少臬師訓妙合鍾張尺牘尤爲合作大父高平公

幼學元常自鎮蒲陝迹類千敬及處台司乃同逸少書體三變爲時所稱金帛散施之外悉購圖書古來名迹存於篋笥元和十三年憲宗累訪珍迹當時不敢緘藏遂皆進獻長慶初又於幽州散失傳家所有十無一二先君尙書少耽墨妙備盡楷模彥遠自幼至長習熟知見竟不能學一字夙夜自責然而收藏鑒識有一日之長因採掇自古論書凡百篇勒爲十卷名曰法書要錄又別撰歷代名畫記十卷有好事者得余二書書畫之事畢矣豈敢言具美哉

韋續五十六種書法一卷

按續自序自三皇已前結繩爲政至太昊文字生焉所以依類象形謂之文形聲相益謂之字著於竹帛謂之書書者以代結繩之政也故字有六文一曰象形日月是也二曰指事上下是也三曰諧聲江河是也四曰會意武信是也五曰轉注考老者是也六曰假借令長是也又云字有五易蒼頡變古文史籀製大篆李斯製小篆程邈隸書漢代作艸是也其八體者更加刻符篆印蟲書署書及書傳信是也并大小篆爲八後漢東陽公徐安于搜諸史籍得十二時書皆象神形又加三十三體共定五十六種書列於後

韋續九品書一卷

按續自序上古創意製字務在形質自夏禹之後乃精妙間生體操屢移實難具美今纔眞約古品藻錄其長分爲三等皆旁通上中下總一百九人列之於後

宋朱熹小學集註六卷

按熹題辭元亨利貞天道之常仁義禮智人性之綱

凡此厥初無有不善藹然四端隨感而見愛親敬兄忠君弟長是日秉彝有順無彊惟聖性者浩浩其天不加毫末萬善足焉衆人蚩蚩物欲交蔽乃頹其綱安此暴棄惟聖斯側建學立師以培其根以達其支小學之方灑掃應對入孝出恭動罔或悖行有餘力誦詩讀書歌詠舞蹈思罔或逾窮理修身斯學之大明命赫然罔有內外德崇業廣乃復其初昔非不足今豈有餘世遠人亡經殘教弛蒙養弗端長益浮靡鄉無善俗世乏良材利欲紛拏異言喧庭幸茲秉彝極天罔墜爰輯舊聞庶覺來裔嗟嗟小子敬受此書匪我言耄惟聖之謨

王應麟小學紺珠十卷

按應麟自序古者蒙養豫教罔不在初六年教之數與方名八歲學六甲五方書計之事九年教之數目十年誦肄簡諒循循有序由是有名數之學陶靖節所以錄聖賢羣輔也君子恥一物不知之譏五穀不分七穆之對以爲洽聞束帛之誤謂之寡學其可不素習乎乃采摭載籍擬錦帶書始於三才終於萬物經以歷代緯以庶事分別部名用訓童幼夫小學者大學之基也見未知本因略致詳誦數以貫之倫類以通之博不雜約不陋可謂善也已

黃伯思東觀餘論二卷

按伯思自序淳化中內府既博訪古遺蹟時翰林侍書王著受詔繕正諸帖著雖號工草隸然初不深書學又昧古今故祕閣法帖十弓中璠珉雜糅論次乖謬世多耳觀遂久莫辨故禮部郎米芾元章筆翰妙萬紳間在淮南幕府日嘗跋弓尾作數百語頗有條

流但舉其目疎略甚多故諸部中或偽蹟甚著而不覺者若李懷琳所作衛夫人書逸少闊別稍久帖之類有雖審其偽而識評未當者若知伯英大令諸草帖爲唐人書而不知乃書晉人帖語之類有識評雖當主名昭然而不能辯者若以田曉字爲非李斯書而不知乃李陽冰明州碑中字之類有誤著其主名者若以晉人章草諸葛亮傳中語遂以爲亮書之類是也其餘外午尚多書家責能書者備故僕於元章慨然古語有之善書不鑒善鑒不書僕自幼觀古帖至多雖豪墨積習未至而心悟神解時有所得故作法帖刊誤凡論真偽皆有據依使鍾王復生不易此評矣元章今已物故恨不示之後有高識賞予知言大觀戊子歲六月七日西都府院東齋序

按明毛晉跋龔從百川學海中讀法帖刊誤兩卷即東觀餘論之綱領也別行已久而全本罕見秀水項氏做川本重鐫又增其所刪惜乎弗廣流布王氏書苑與諸書同梓大是坊賈伎倆高謬脫簡甚多如周雲雷鐘跋原與周鼎周洗及一柱爵各自著說條然四簡混爲一段款銘首尾無從摸索又劉原父跋張仲臣銘全文百五十餘言僅存二行半不大失長詹本名耶長詹書與董紫微貶集古錄謂歐陽公文章冠世不可跋及大要考較非其所長直自負此書壓倒宋叔矣因不入本集中故名餘論自號雲林子別字霄賓其爵里詳見李忠定公誌中海虞毛晉跋明會志唯小學訓蒙述語 卷

按志唯自序朱文公大學序曰王宮國都以及閭巷莫不有學王宮國都皆有大學閭巷惟有小學無大

學王宮王朝之內也國都諸侯所都之地也孟子書庠序學校皆鄉學名惟學爲國即今國子監號大學生是庠序校爲小學國學方稱大學而惟庶民之俊秀得與焉古之教者家有塾黨有庠遂有序所謂閭巷之小學也若王宮國都內亦自有小學不待言者凡庶民子弟自八歲入小學至十四歲其於爲人子爲人弟爲人少者之行學之亦略備矣是十五歲以前教養許多年其不可成者已遣歸農其可成者此是聖賢胚模已成了謂之俊秀乃進而教之以盡心知性之學經國濟世之道云耳即庶民俊秀必待四十始仕因想庶民終身亦當有以明其明德若新民固非旬時歲年工夫所能就者故曰夫人幼而學之壯而欲行之余謂人家子弟十一歲先生父兄當與講解小學了了何也古今事不相同古人四十始強仕五十始服官政今人如楊少師廷和十二歲已中鄉試趙中丞時春十四歲已中經魁楊少師一清十四歲亦中鄉舉蔣文定冕十五歲已中解元王庶子臣十六歲已登進士何時方離了小學何時方可去入大學此余謂小學一書自八歲起至十一歲便當與講解了了也灑掃應對進退之節何如灑水於地日灑以帶去塵土日掃灑掃之節即小學所載凡爲長者養之禮必加帚於箕上以袂拘而退其塵不及長者以其自鄉而扱之是也應短而對長應如應曰諾對如孔子對曰有呼則應有問則對應對之節即小學所載長者負劍辟咎詔之則揜口而對之類是也進退之節曲禮凡與客人者每門讓於客且若見父之執不謂之進不敢進不謂之退不敢退即小學

所載將即席容母作兩手握衣去齋尺又如上於東階則先右足上於西階則先左足之類是也禮樂射御書數之文何如禮是五禮吉凶軍賓嘉也吉禮十有二所以事邦國之鬼神凶禮五所以哀邦國之憂賓禮八所以親邦國軍禮六所以同邦國嘉禮六所以親萬民樂是六樂一雲門黃帝樂謂其德如雲之出也二咸池黃帝樂亦云堯象樂池水周徧言其德無所不施也三大磬舜樂磬紹也以其紹堯之業也四大夏禹樂夏大也以其能大堯舜之德也五大濩湯樂以湯寬仁能救護生民也六大武王樂言能成武功也射是五射一白矢言矢貫侯過見其鏃白也二參連言前放一矢後二矢連續而去也三剡注謂羽頭高鐵低而去剡剡然也四棄尺棄音讓謂臣與君射不與君並立讓君一尺而退也五井儀謂四矢貫侯如井字之容儀五御一鳴和鸞和鸞皆鈴也和金口木舌鸞金口金舌所以節車之行二逐水曲謂御車隨逐水勢之屈曲而不墜水也三過君表如轅門之類君止宿險阻之處次車以爲藩仰車以其轅表門也四舞交衢衛道也謂御車在交道車旋應於無節如箇十字街頭模樣五逐禽左謂御驅逆之車逆驅禽獸使就人君以射之也六書一象形謂象其形也詁以爲如日月是也今日字其中一點奇也有獨尊無對之意月側而缺也以不得如日之獨尊故側之以不得如日之長圓也故缺之其中用二短畫子偶數也非象形乎二會意如人言爲信止弋爲武中心爲忠如心爲恕之類又如日月爲明至明莫如日月也丘山爲岳丘山莫大乎岳也日出平地

之上爲旦日之未明爲昧山之所宗爲崇山之首領處爲嶺皆會意者也三轉註謂此一字既爲此義用又轉註爲他義用也如中正之中轉而爲中的之中指揮之指轉而爲指趣之指又如行止之行以其行有實迹也轉而爲行實之行又以其行當有次也轉而爲行次之行又以其直行不顧也轉而爲行行之行皆爲轉註也四處事謂人目爲見兩戶相向爲門兩手合下爲拜又不見爲覓占而見之爲覘手之所包爲抱手之所共爲拱皆直指其事而爲之字者也五假借謂令長之類一字兩用也蓋令本命令以其能令之借爲令尹也長本長幼以其實長之借爲官長也又如能本獸也以其最有才力而借爲才能之能豪本山中豕屬獸之最雄傑者也因借爲豪傑之豪又如理本玉之理也而借以爲道理之理妙本爲女之少妙者而借爲精妙之妙皆爲假借而用者也六諧聲本一字以定其形而附他字以諧其聲也如婆娑之類是上聲下形霜霖之類是上形下聲圍囿之類是外形內聲甚矣字之不可苟也天下之字歸於六書考文爲三重之一古者天子常使行人正四方之字使同文焉學者最不可以己意增損點畫易置上下也九數一方田以御田疇界域即今方量田地畝角之法二粟布以御交貿變易粟是米布是錢謂以多少錢糴得多少穀之類三哀分以御貴賤廉稅此是理會官員俸祿多少之法廩是廩祿稅是采地所收之稅四少廣以御積蕃方圓積蕃如今倉然積米於中外面遮蔽了方圓以其器而知其多少圓器作如何算方器作如何算各有法也五商功以御

工程積實商其工程如打土論方子打算一方土便會計得合用許多人工之類六均輸以御遠近勞費均是道理遠近之勞與費勞是力費是粟足也七盈臆以御隱難互見盈是多臆是少數之顯者可見隱者不可見至於難則尤不可見絲於顯者以推其隱也八方程以御錯探正圓今作曆者用此法謂如算錢逐件除下零細底截長補短湊得齊整便好算如一年十二月有月大有月小日子不齊便將閏月來補湊也九勾股以御高深廣遠橫爲勾直爲股斜爲弦三者可互相求也此禮樂射御書數名曰六藝乃周禮大司徒以鄉三物教萬民而賓興之一事也道理豈是小可豈是容易禮即所謂立於禮樂即所謂成於樂射即所謂射有似乎君子御即所謂吾執御矣書即所謂書同文特爲大小偏全生熟之不同方入小學十四歲以上古人爲師者亦是粗教以模樣示以綱領未能樂十分責備之耳吾想子游稱子夏之門人小子當灑掃應對進退則可矣藉令詢以禮樂射御書數之文恐亦未必盡服習不過認得小學一半事觀聖人教人曰行有餘力則以學文註文謂詩書六藝之文則子夏之弟子未能人人就通六藝也若論晚近世之門人小子先生倘肯語之以灑掃應對進退則鄙焉而不屑問及禮樂射御書數并先生亦惜焉而罔知吾自八九歲日侍父祖側幸得聞曲禮小學中之一二迨弱冠閱蔡虛齋先生蒙引小學序中頗考証之但亦稍能窺其略節曉其文義而不得見古人之全書也安得親炙聖人之門牆古人與遊而心領神會其行事乎抑余有感於古今之際

有不能以盡同者有不必以盡同者總之扶世道者當爲化民成俗計耳張橫渠嘆古者聖王制禮法修教化作樂以宣八風之氣以平天下之情不復古禮不變今樂而欲治者遠矣余以復古禮易復古樂難古禮謂吉凶軍賓嘉今禮不過冠婚喪祭即朱子家禮一書及縉紳家各自裁定禮儀不甚相遠無事求之古而教之吉凶軍賓嘉也獨樂之作用甚大朱註所謂古人之樂聲音所以養其耳采色所以養其目歌詠所以養其性情舞蹈所以養其血脉古小學十三學樂誦詩舞勺是詩禮樂三者一時俱習蓋詩者樂之章也故必學樂而後誦詩所謂樂者謂琴瑟壎箎樂之一物漸習之而節夫詩之音律者也古之君子琴瑟在御歌詠恒有之子於是日哭則不歌非哀則未嘗不歌也當陳蔡之間亦絃歌不輟子夏援琴而歌曾參曳屣而歌絃歌二字相連歌必叶於絃歌如是絃亦如是何者風雅頌皆係奏之樂仲尼編用之燕享祀以歌或作之朝廷焉或作之宗廟焉或作之閨門焉或作之閭巷焉而宗廟朝廷房中之樂各有篇章不相淆亂如春秋傳所載昔諸侯朝正於王王宴樂之於是乎賦湛湛露斯諸侯敵王所愾而獻其功天子賜之彤弓一彤矢百盧弓矢千於是乎賦彤弓又如鹿鳴君所以宴嘉賓也四牡君所以勞使臣也文王兩君相見之樂也各不相混方孔子時已說鄭聲淫當時諸國皆有鄭聲聖人恐其亂雅樂故亟欲放之及至後世鍾律廢而樂失其傳久矣所謂樂者代變新聲妖淫怨導欲增悲王陽明先生起始發其秘紛紛考究欲以春夏秋冬生長收藏四義發開

收閉爲按歌之節傳諸海內不過器數之末視夫得
心應手聞音而知治亂擊颯而協官商者已不相涉
況能養人之情性而蕩滌其邪穢消融其渣滓至於
義精仁熟而自和順於道德者乎故余謂樂之一教

小學先生不講無妨即琴瑟亦俟其長成自學之何
必區區盡如古也治世行禮射亂世行武射射不主
皮者禮射也而又有實射燕射凡射必有總名爲
侯天子行之以服諸侯諸侯中之得爲諸侯故曰侯
也後代已不行即各學設有射圃皆是文具則亦聽
其長成方學之若小學先生不必教誨之矣御雖藝
之一但此禮久廢存而不論可也書最緊要一點一
畫皆不可苟稍有增損易置即是別字或不成字如
水上加一點則爲冰清少一點則爲清育本育育也
目其下則爲盲辨本明辨也力其中則爲辦至於枝
之真技果之真果形差毫釐義隔千里可不慎哉故
程子作字甚敬也至若打算子有錢穀之家從少見
父兄習慣皆能之此自是父兄服時指教者非小學
先生之急務也故余每謂文公小學一書凡灑掃應
對進退與夫禮樂射御書數已悉備無遺至大學格
致誠正之理亦盡載其中如孔明之澹泊寧靜楊震
之四知溫公之不妄語王文正之不在溫飽此外豈
別有修身乎萬石君之對案不食呂正獻之嚴而有
法鮑宣之不敢當禮張公藝之九世同居此外豈別
有齊家乎治國乎天下特舉而措之爾程子謂讀論
語有讀了後全然無事者有讀了後其中得一兩句
喜者有讀了後知好之者有讀了後具有不知手之
舞之足之蹈之者余八九歲讀小學得一兩句喜時

也弱冠讀小學知好之之時也迨爲童子師與童子
日相講習直不知手之舞之足之蹈之之時也遂記
之以授蒙士願與爾曹終身共勉之以不負文公化
民成俗之意云

倪鏗六書類釋三十六卷

按都穆序古六書類釋三十六卷元鄱陽倪鏗撰元
人精六書之學首稱周左丞伯溫其所著有六書正
謬說文字原行於世而伯溫固鄱陽人也鏗與伯溫
同郡其書精博亦既刻梓不知何爲不行難以余之
酷嗜字學藏書頗多是書僅一見之京師而殘缺亦
已過半夫古人苦心著書固將以傳遠也今去元鉅
不二百年而其書泯滅無存併其名亦不知然則立
言果足恃耶

小學部彙考三

漢書藝文志

小學

史籀十五篇注周宣王太史作大篆十五篇建武時
亡六篇矣師古曰籀音胃

八體六技注韋昭曰八體一曰大篆二曰小篆三曰
刻符四曰蟲書五曰摹印六曰署書七曰殳書八曰

隸書

蒼頡一篇注上七章秦丞相李斯作爰歷六章車府

令趙高作博學七章太史令胡毋敬作
凡將一篇注司馬相如作

急就一篇注元帝時黃門令史游作

元尚一篇注成帝時將作大匠李長作

訓纂一篇注揚雄作

別字十三篇

蒼頡傳一篇

揚雄蒼頡訓纂一篇

杜林蒼頡訓纂一篇

杜林蒼頡故一篇

凡小學十家四十五篇注入揚雄杜林二家三篇

易曰上古結繩以治後世聖人易之以書契百官以

治萬民以察蓋取諸夬爻揚於王庭言其宣揚於王

者之廷其用最大也古者八歲入小學故周官保氏

掌養國子教之六書

注師古曰保氏地官之屬也保安也

謂象形象事象意象聲轉注假借造字之本也

注師古曰象形謂畫成其物隨體詰屈日月是也

象事即指事也謂視而可識察而見意上下是也

象意即會意也謂比類合誼以見指揭武信是也

象聲即形聲謂以事爲名取譬相成江河是也轉

注謂建類一首同意相受考老是也假借謂本無

其字依聲託事令長是也文字之義總歸六書故

曰立字之本焉

漢興蕭何草律

注師古曰草創造之

亦著其法曰太史試學童能諷書九千字以上乃得

爲史又以六體試之課最者以爲尚書御史史書令

史書注韋昭曰若今尚書蘭臺令史臣瓚曰史書今太

吏民上書字或不正輒舉劾六體者古文奇字篆書

隸書繆篆蟲書注師古曰古文謂孔子壁中書奇字即古文而異

者也篆書謂小篆秦始皇使程邈所作也隸書亦

程邈所獻主於徒隸從簡易也繆篆謂其文屈曲

纏繞所以摹印章也蟲書謂爲蟲鳥之形所以書

幡信也

皆所以通知古今文字摹印章書幡信也古制書必

同文不知則闕問故老至於衰世是非無正人用其

私注師古曰各任私意而爲字

故孔子曰吾猶及史之闕文也今亡矣夫蓋傷其弊

不正史籀篇者周時史官教學童書也與孔氏壁中

古文異體蒼頡七章者秦丞相李斯所作也爰歷六

章者車府令趙高所作也博學七章者太史令胡毋

元始中徵天下通小學者以百數各令記字於庭中

揚雄取其有用者以作訓纂篇順續蒼頡又易蒼頡

中重復之字凡八十九章臣復續揚雄作十三章

注韋昭曰臣班固自謂也作十三章後人不別疑

在蒼頡下篇三十四章中

凡一百三十三章無復字六藝羣書所載略備矣蒼頡多

古字俗師失其讀宣帝時徵齊人能正讀者張敞從

受之傳至外孫之子杜林爲作訓故并列焉

隋書經籍志

小學

三蒼三卷注郭璞注秦相李斯作蒼頡篇揚雄作訓

纂篇後漢郎中賈訪作滂喜篇故曰三蒼梁有蒼頡

二卷後漢司空杜林亡

埤蒼三卷注張揖撰梁有廣蒼一卷樊恭撰亡

急就章一卷注漢黃門令史游撰

啓疑記三卷注顧愷之撰

千字文一卷注梁給事郎周興嗣撰

千字文一卷注梁國子祭酒蕭子雲注

千字文一卷注胡書注

篆書千字文一卷

演千字文五卷

草書千字文一卷

古今字詁三卷注張揖撰梁有難字一卷錯誤字一

卷並張揖撰異字二卷朱育撰字屬一卷賈勸撰亡

雜字解詁四卷注魏掖庭右丞周氏撰梁有解文字

七卷周成撰字義訓音六卷古今字苑十卷曹侯彥

撰亡

雜字指一卷注後漢太子中庶子郭顯卿撰

字指二卷注晉朝議大夫李彤撰梁有單行字四卷

李彤撰反字偶五卷亡

說文十五卷注許慎撰梁有演說文一卷庾儼默注

亡

說文音隱四卷

字林七卷注晉弦令呂忱撰

字林音義五卷注朱揚州督護吳恭撰

古今字書十卷

字書三卷

字書十卷

字統二十一卷注楊承慶撰

玉篇三十一卷注陳左將軍順野王撰

字類敘評三卷注侯洪伯撰

要字苑一卷注宋豫章太守謝康樂撰梁有常用字

啓蒙記三卷注晉散騎常侍顧愷之撰

發蒙記一卷注晉著作郎束皙撰

元帝時黃門令史游作急就篇成帝時將作大匠李

訓一卷殷仲堪撰要用字對誤四卷梁輕車參軍鄒

要用雜字二卷注鄒里撰梁有文字要記二卷王義

撰亡

俗語難字一卷注秘書少監王劭撰

雜字要三卷注密州行參軍李少通撰

文字整疑一卷

正名一卷

文字集略六卷注梁文貞處士阮孝緒撰

今字辯疑三卷注李少通撰

異字同音一卷注梁有擇字同音三卷宋散騎常侍

古文甫撰

字宗三卷注薛立撰

文字譜一卷注梁有古今文字序一卷劉敞撰文字

通略一卷焦子明撰亡

文字辨嫌一卷注彭立撰

辨字一卷注戴規撰

雜字音一卷

借音字一卷

音書考源一卷

聲韻四十一卷注周研撰

聲類十卷注魏左校令李登撰

韻集十卷

韻集六卷注晉安復令呂靜撰

四聲韻林二十八卷注張諒撰

韻集八卷注段弘撰

音韻五卷亡

韻略一卷注陽休之撰

修續音韻決疑十四卷注李榮撰

纂韻鈔十卷

四聲指歸一卷注劉善經撰

四聲一卷注梁太子少傅沈約撰

四聲韻略十三卷注夏侯詠撰

音譜四卷注李榮撰

韻英三卷注釋靜撰

通俗文一卷注服虔撰

訓俗文字略一卷注後齊黃門郎顏之推撰

證俗音字略六卷注梁有詰幼二卷顏延之撰廣詰

幼一卷宋給事中荀楷撰亡

文字音七卷注晉湯昌長王延撰梁有纂文三卷亡

翻真語一卷注王延撰

真言鑒誠一卷

字書音同異一卷

叙同音義三卷

河洛語音一卷注王長孫撰

國語十五卷

國語十卷

鮮卑語五卷

國語物名四卷注後魏侯伏侯可悉陵撰

國語真歌十卷

國語雜物名三卷注侯伏侯可悉陵撰

國語十八傳一卷

鮮卑語十卷

國語號令四卷國語雜文十五卷

鮮卑號令一卷注周武帝撰

雜號令一卷

古文官書一卷注後漢議郎衛敬仲撰

古今奇字一卷注郭顯卿撰

六文書一卷

四體書勢一卷注晉長水校尉衛恆撰

雜體書九卷注釋正度撰

古今八體六文書法一卷

古今篆隸雜字體一卷注蕭子政撰

古今文等書一卷

篆隸雜體書二卷

文字圖二卷

古今字圖雜錄一卷注秘書學士曹憲撰

婆羅門書一卷注梁有扶南書一卷

外國書四卷

秦皇東巡會稽刻石文一卷

一字石經周易一卷注梁有三卷

一字石經尚書六卷注梁有今字石經鄭氏尚書八

卷亡

一字石經魯詩六卷注梁有毛詩三卷亡

一字石經儀禮九卷

一字石經春秋一卷注梁有一卷

一字石經公羊傳九卷

一字石經論語一卷注梁有二卷

三字石經尚書九卷注梁有十三卷

三字石經尚書五卷

三字石經春秋三卷注梁有十二卷

右一百八部四百四十七卷通計亡書合一百三十五部五百六十九卷

孔子曰必也正名乎名謂書字名不正則言不順言不順則事不成說者以為書之所起起自黃帝蒼頡比類象形謂之文形聲相益謂之字著於竹帛謂之書故有象形諧聲會意轉注假借處事六義之別古者童子示以不誑六年教之數與方名十歲入小學學書計二十而冠始習先王之道故能成其德而任事然自蒼頡訖於漢初書經五變一曰古文即蒼頡所作二曰大篆周宣王時史籀所作三曰小篆秦時李斯所作四曰隸書程邈所作五曰草書漢初作秦世既廢古文始用八體有大篆小篆刻符摹印蟲書署書及書隸書漢時以大體教學童有古文奇字篆書隸書繆篆蟲鳥并篆書楷書懸針垂露飛白等二十餘種之勢皆出於上六書因事生變也魏世又有八分書其字義訓讀有史籀篇蒼頡篇三蒼碑蒼廣蒼等諸篇章訓詁說文字林音義聲韻體勢等諸書自後漢佛法行於中國又得西域書能以十四字貫一切音文省而義廣謂之婆羅門書與八體六文之義殊別今取以附體勢之下又後魏初定中原軍容號令皆以彝語後染華俗多不能通故錄其本言相傳教習謂之國語今取以附音韻之末又後漢鐫刻七經著於石碑皆蔡邕所書魏正始中又立一字石經相承以為七經正字後魏之末齊神武執政自洛

陽徙於鄴都行至河陽值岸崩遂沒於水其得至鄴者不盈大半至隋開皇六年又自鄴京載入長安置於祕書內省議欲補緝立於國學尋屬隋亂事遂寢廢營造之司因用為柱礎貞觀初祕書監臣魏徵始收聚之十不存一其相承傳拓之本猶在祕府并秦帝刻石附於此篇以備小學

欽定古今圖書集成理學彙編經籍典

第三百八卷目錄

小學部彙考四

唐書藝文志 小學類

宋史藝文志 小學類

宋鄭樵通志 小學類

王應麟漢書藝文志考證 小學考

經籍典第三百八卷

小學部彙考四

唐書藝文志

小學

爾雅

唐書志爾雅十一條今入爾雅部

揚雄別國方言十三卷

劉熙釋名八卷

韋昭辨釋名一卷

李斯等三蒼三卷郭璞解

杜林蒼頡訓詁二卷

張揖埤蒼三卷

三蒼訓詁三卷

維字一卷

古文字訓二卷

樊恭廣蒼一卷

史游急就章一卷曹壽解

顏之推注一卷

司馬相如凡將篇一卷

班固在昔篇一卷

太甲篇一卷

蔡邕聖草章一卷

又勸學篇一卷

今字石經論語二卷

崔瑗飛龍篇篆草勢合三卷

許慎說文解字十五卷

呂忱字林七卷

楊承慶字統二十卷

馮幹括字苑十三卷

賈飭字屬篇一卷

葛洪要用字苑一卷

戴規辨字一卷

僧寶誌文字釋訓三十卷

周成解文字七卷

王延維文字音七卷

王氏文字要說一卷

阮孝緒文字集略一卷

彭立文字辨嫌一卷

王愔文字志三卷

顧野王玉篇三十卷

李登聲類十卷

呂靜韻集五卷

陽休之韻略一卷

又辨嫌音二卷

夏侯詠四聲韻略十三卷

張諒四聲部三十卷

趙氏韻篇十二卷

陸慈切韻五卷

郭訓字旨篇一卷

古文奇字二卷

衛宏詔定古文字書一卷

虞翻法書目錄六卷

衛恆四體書勢一卷

蕭子雲五十二體書一卷

庾肩吾書品一卷

顏之推筆墨法一卷

僧正度雜字書八卷

何承天纂文三卷

顏延之纂要六卷

又詰幼文三卷

張推證俗音三卷

顏慈楚證俗音略一卷

李虔續通俗文二卷

李少通俗語難字一卷

諸葛穎桂苑珠叢一百卷

朱嗣卿幼學篇一卷

項峻始學篇十二卷

王羲之小學篇一卷

楊方少學集十卷

顧凱之啓疑三卷

蕭子範千字文一卷

周興嗣次韻千字文一卷

演千字文五卷

黃初篇一卷

吳章篇一卷

音隱四卷

難要字三卷

覽字知源三卷

字書十卷

叙同音三卷

桂苑珠叢略要二十卷

古今八體六文書法一卷

古來篆隸訓詁名錄一卷

筆墨法一卷

鹿紙筆墨疏一卷

篆書千字文一卷

今字石經易篆三卷

今字石經尚書本五卷

今字石經鄭元尚書八卷

三字石經尚書古篆三卷

今字石經毛詩三卷

今字石經儀禮四卷

三字石經左傳古篆書十二卷

今字石經左傳十卷

今字石經公羊傳九卷

蔡邕今字石經論語二卷

文字指歸四卷

顏師古注急就章一卷

武后字海一百卷注凡武后所著書皆元萬頃范履

冰苗神客周思茂胡楚賓衛業等撰

李嗣真書後品一卷

徐浩書譜一卷

古跡記一卷

張懷瓘書斷三卷注開元中翰林院供奉

又評書藥石論一卷

張敬元書則一卷注貞元中處士

褚長文書旨論一卷

張彥遠法書要錄十卷注弘靖孫乾符初大理卿

裴行儉草字雜體注卷七

荆浩筆法記一卷注浩稱洪谷子

二王張芝張昶等書一千五百一十卷注太宗出御

府金帛購天下古本命魏徵虞世南褚遂良定真偽

凡得義之真行二百九十紙爲八十卷又得獻之張

芝等書以貞觀字爲印章跡命遂良楷書小字以影

之其古本多梁隋官書梁則滿騫徐僧權沈熾文朱

昇隋總姚察署記帝令魏褚卷尾各署名開元五年

敕陸元悌魏哲劉懷信檢校分益卷帙元宗自書開

元字爲印

王方慶寶章集十卷

又王氏八體書範四卷

王氏工書狀十五卷

元宗開元文字音義三十卷

張參五經文字三卷

唐元度九經字樣一卷注文宗時待詔

顏元孫干祿字書一卷

歐陽融經典分毫正字一卷

李騰說文字源一卷注陽冰從子

僧慧力像文玉篇三十卷

蕭鈞韻音二十卷

孫愐唐韻五卷

武元之韻銓十五卷

元宗韻英五卷注天寶十四載謔詔集賢院寫付各

道採訪使傳布天下

顏真卿韻海鏡源三百六十卷

李舟切韻十卷

僧飲智辨體補修加字切韻五卷

右小學類六十九家一百三部七百二十一卷失

姓名二十三家徐浩以下不著錄二十三卷二千

四十五卷

宋史藝文志

爾雅

按宋志爾雅十五卷今缺爾雅部

揚雄方言十四卷

史游急就章一卷

劉熙釋名八卷

許慎說文解字十五卷

徐鍇說文解字係傳四十卷

又說文解字韻譜十卷

說文解字通釋四十卷

僧雲棲補說文解字三十卷

錢承志說文正隸三十卷

呂忱字林五卷

顧野王玉篇三千卷

韋昭辨釋名一卷

王僧虔評書一卷

梁武帝評書一卷

千字文一卷注梁周興嗣次韻

顏之推證俗音字四卷

又字始三卷

虞荔鼎錄一卷

蕭該漢書音義三卷

陸法言廣韻五卷

唐元宗開元文字音義二十五卷

庾肩吾書品論一卷

陸德明經典釋文三十卷

顏元孫千祿字書一卷

李嗣真書後品一卷

續古今書人優劣一卷

王之明述書後品一卷

張懷瓘書誌一卷

又評書藥石論一卷

六體論一卷

古文大篆書祖一卷

書斷三卷

顏真卿筆法一卷

又韻海鑑源十六卷

朱禹善書評一卷

又有唐名書贊一卷

林罕字源偏傍小說三卷

金華苑二十卷

張參五經文字五卷

顏師古急就篇注一卷

虞世南筆髓法一卷

唐元度九經字樣一卷

又十體書一卷

張彥遠法書要錄十卷

杜林岳集備要字錄二卷

王僧虔圖書會粹六卷

呂總續古今書人優劣一卷

蔡希宗法書論一卷

劉伯莊史記音義二十卷

僧守溫清濁韻鈴一卷

黃伯思東觀餘論二卷

寶徽義訓十卷

崔逢玉聖譜一卷注嚴士元重修朱魏損潤色

郭忠恕佩觿三卷

又汚簡集七卷

辨字圖四卷

歸字圖一卷

正字賦一卷

孫季昭決疑賦二卷

徐元三家老子音義一卷

鄭文寶玉聖記一卷

景德韻略一卷注戚倫等詳定

朱高宗評書一卷注亦名翰墨志

歐陽融經典分毫正字一卷

沈立稽正辨訛一卷

唐和字說集解三十冊注卷七

錢惟演飛白書敘錄一卷

周越古今法書苑十卷

祝允韓文音義五十卷

李舟切韻五卷

丘世隆切韻搜隱五卷

劉希古切韻十玉五卷

胡元質西漢字類五卷

陳天麟前漢通用古字韻編五卷

陳彭年等重修廣韻五卷

韻銓十四卷

僧師悅韻關一卷

丘雍校定韻略五卷

韻選五卷

韻源一卷

孫愐唐韻五卷

天寶元年集切韻五卷

釋欽智辨體補修加字切韻五卷

丁度切韻十卷

又景祐禮部韻略五卷

墨數一卷注不知作者

賈昌朝羣經音辨三卷

夏竦重校古文四聲韻五卷

又聲韻圖一卷

司馬光切韻指掌圖一卷

又類編四十四卷

朱祁摘粹一卷

歐陽修集古錄跋尾六卷

又二卷

句中正雍熙廣韻一百卷

序例一卷

又三體孝經一卷

楊南仲石經七十五卷

又三體孝經一卷

燕誨字傍辨誤一卷

道士謝利貞玉篇解疑三十卷

象文玉篇二十卷

石懷德隸書賦一卷

褚長文書指論一卷

李訓範金錄一卷

翰林隱術一卷

荆浩筆法一卷

韋氏筆寶兩字五卷

徐浩書譜一卷

又古跡記一卷

宋敏求寶刻叢章三十卷

劉敞先秦古器圖一卷

李行中引經字源二卷

朱長文續書斷二卷

王安石字說二十四卷

米芾書評一卷

又寶章待訪集一卷

呂大臨考古圖十卷

李公麟古器圖一卷

蔡京崇寧鼎書一卷

張有復古編二卷

政和甲午祭禮器款識一卷

王楚鍾鼎篆韻二卷

吳械韻補五卷

董衡唐書釋音二十卷

寶莘唐書音訓四卷

宣和重修博古圖錄三十卷

趙明誠金石錄三十卷

又別本三十卷

薛尚功重廣鍾鼎篆韻七卷

歷代鍾鼎彝器款識法帖二十卷

張孟押韻十卷

許冠韻海五十卷

吳升童訓統類一卷

鄭樵石鼓文考一卷

又字始連環二卷

象類書十一卷

論梵書三卷

書考六卷

通志六書略五卷

郊升卿四聲類韻二卷

又聲韻類例一卷

淳熙監本禮部韻略五卷

劉球隸韻略七卷

潘緯柳文音義三卷

僧應之臨書關要一卷

呂本中童蒙訓三卷

周燾六經音義十三卷

李盛六經釋文二卷

黃瓊班書韻編五卷

張貞石經注文考異四十卷

洪适隸釋二十七卷

隸續二十一卷

史浩童卯須知三卷

朱熹小學之書四卷

又四子四卷

程端蒙小學字訓一卷

呂祖謙少儀外傳二卷

陳淳北溪字義一卷

婁機班馬字韻二卷

漢隸字源六卷

廣千祿字書五卷

古鼎法帖五卷

楊師復漢隸釋文二卷

馬居易漢隸分韻七卷

翟伯壽補文二卷

胡寅注敘古千文一卷

呂氏敘古千文一卷

慶元嘉定古器圖六卷

僧妙華互注集韻二十五卷

羅點清動堂法帖六卷

李從周字通一卷

遼僧行均龍龕手鑑四卷

黃伯思法帖刊誤一卷

釋元冲五音韻鏡一卷

施宿大觀法帖總釋二卷

又石鼓音一卷

蔡氏口訣一卷注名亡

書錄一卷

書隱法一卷

筆陣圖一卷

西漢字類一卷

纂注禮部韻略五卷

翰林禁經三卷

臨汝帖三卷

筆苑文詞一卷

法帖字證十卷

正俗字十卷

書斷例傳五卷

洪韻海源二卷

諸家小學總錄二卷

集古采時十卷

蕃漢語一卷注並不知作者

劉紹祐字學提要二卷

洪邁次李翰蒙求三卷

集齋彭氏小學進業廣記一部

王應麟蒙訓四十四卷

又小學紺珠十卷

小學諷詠四卷

補注急就篇六卷

右小學類二百六部一千五百七十二卷注劉紹祐字學提要以下不著錄六部六十九卷

宋鄭樵通志

小學

三蒼三卷注郭璞撰秦相李斯作蒼頡篇漢揚雄作訓纂篇後漢郎中賈鮪作滂喜篇故曰三蒼

蒼頡訓詁二卷注杜林注

埤蒼三卷注張揖

三蒼訓詁三卷

廣蒼一卷注樊恭

急就章一卷注史游

急就章二卷注崔浩注

急就章一卷注顏之推注

急就章三卷注豆盧氏撰

急就章一卷注顏師古注

吳章二卷注陸機

在昔篇一卷注班固

太甲篇一卷注班固

凡將篇一卷注司馬相如

黃初篇一卷

小學篇一卷注晉下邳內史王羲

小學篇九卷注楊方

始學一卷

勸學一卷注蔡邕

幼學篇一卷注朱嗣卿

始學篇十二篇注項峻

小學篇一卷注王羲之

發蒙記一卷注晉著作郎束皙

啓蒙記三卷注晉顧愷之

啓疑記三卷注顧愷之

詰幼文三卷注顏延之

千字文一卷注蕭子雲

大韻千字文一卷注梁周興嗣

演千字文五卷

古今字詁三卷注張揖

雜字指一卷注後漢郭顯卿

字指二卷注晉李彤

小學總錄二卷

右小學三十三部七十七卷

說文二十卷注漢許慎纂唐李陽冰刊定

說文十五卷注宋徐鉉刊定

說文解字繫傳三十八卷注徐鉉

補說文字解三十卷注僧曇域

說文音隱四卷

說文韻譜十卷注徐鉉

說文字源一卷注唐李騰集

字林七卷注晉弦令呂忱

字林音義五卷注宋揚州督護吳恭

古今字書十卷

字書十卷

字統二十一卷注楊承慶

玉篇三十一卷注陳左將軍顧野王

像文玉篇三十卷注唐釋慧力

玉篇解疑三十卷注道士趙利正

類篇四十五卷注司馬光等

字類攷評三卷注侯洪伯

要字苑一卷注宋豫章太守謝康樂

括字苑十三卷注馮幹

要用字苑一卷注葛洪

常用字訓一卷注殷仲堪

字屬篇一卷注賈勛

要用雜字三卷注鄒里

文字要記三卷注王義

解文字七卷注周成

文字集略六卷注梁阮孝緒

字宗三卷注薛立

文字譜一卷

釋文十卷注江遂

文字志三卷注王愔

文字要說一卷注王氏

難字要三卷

覽字知源三卷

字源偏旁小說三卷注東林生解

字旨篇一卷注郭訓

桂苑珠叢一百卷注諸葛穎

桂苑珠叢略要二十卷

俗語難字一卷注隋王勃

雜字要三卷注隋李少通

雜字書八卷注僧正度

文字整疑一卷

正名一卷

纂文三卷注何承天

纂要六卷注顏延之

文字釋疑一卷

今字辨疑三卷注李少通

啓疑三卷注顧愷之

文字指歸四卷

字海一百卷注唐武后

千祿字書一卷注顧元孫按顧展作顧展

佩觿三卷注郭忠恕

稽正辨訛一卷

龍龕手鑑四卷注燕僧智光

文字釋訓三十卷注梁僧寶誌

開元文字音義三十卷注唐明皇

五經文字三卷注唐張參

九經字樣一卷注唐元度

經典分毫正字一卷注唐歐陽融

右文字五十八部七百二卷

音書考源一卷

聲韻四十一卷注周研

聲韻十卷注魏左校令李登

韻集十卷

韻集六卷注晉安復令呂靜

四聲韻林二十八卷注張諒

韻集八卷注段弘

羣玉典韻五卷

文章音韻二卷注王該

韻略一卷注陽休之

修續音韻決疑十四卷注李榮

纂韻抄十卷

四聲指歸一卷注劉善經

四聲一卷注沈約

四聲韻略十三卷注夏侯詠

韻篇十三卷注趙氏

音譜四卷注李榮

韻英三卷注釋靜洪

切韻五卷注陸慈

音韻二十卷注蕭鈞

唐韻五卷注孫愐

韻銓十五卷注唐武元之

韻英五卷注明皇

韻海鑑源三百六十卷注顏真卿

切韻十卷注唐李舟

辨體補修加字切韻五卷注唐僧猷智

唐廣韻五卷注張參

唐切韻五卷

唐韻要略一卷注李邕

雍熙廣韻一百卷注宋朝句中正等詳定

集韻十卷注丁度等修

禮部疑韻二十卷

宋朝重修廣韻五卷注陳彭年

五音廣韻五卷注吳鉉

景祐韻五卷

禮部韻略五卷注王洙等修

雜文字音七卷注王延